



TOMANATUGA FA'ALEAGAGA MASINA IULAI 2023

TUSI FAITAU: 1 SAMUELU 3: 19

MATUA: O LE LĒ FIAFIA (Disappointment)

Toe ofoalofa ma faatalofa atu ile paia maualuga ole tatou Kapelanisia. Mai ona ao seia paia ona i'u. Malo le galulue, aemaise ole alolofa ile Atua. Faafetai tautua lelei e ala ile faatinoga o lo tatou valaauina. Viia le Ali'i ona o lō outou soifua ofoia.

E talitonu, e lē taugamalie le folauga auā e feagai pea i tatou ma lu'itau. 'Aua ne'i galo o le faatulagaina lava lenā o mea uma ua i ai lo tatou lalolagi. Ae fai mai fo'i le Tusi o Failauga. "Ole taimi e fiafia ai, ma le taimi e fa'anoanoa ai". Ole taimi e ata'ata ai, ma le taimi e feātagi ai, ole taimi e totō ai, ma le taimi e lia'ina ai le mea na totō. "Ole fesuia'i o mea, e tigā tele ai tagata".

Fai mai le tatou auau o Manatu po'o le tatou Autū, "Ole lē fiafia" O lagona o le lē fiafia, ole tu'ufa'atasiga lea ole fa'anoanoa, ole ita, fa'ali'i, fefe, popole, ma le atuatuvaile. O se lagona e tupu ai le vaivai ole loto ma le agaga, e matua'i fiva ai le mafaufau ma logoitino ona tigā. O mafua'aga ta'atele e lagona ai le lē fiafia, ona ua lē tau lau o ni faamoemoega; ina ua le tali mai ni tagata sa tu'utasi i ai lou faamoemoe. E mafua fo'i ona o ni mea leaga e fafau ma fa'atino mai e nisi tagata, ae o nisi fo'i taimi, e mafua ona o lō tatou lava fa'atamala, fa'atalalē, ma le o ese mai le puna ole fiafia. O nai motuga'afa la ia faaleagaga, e fai ma fesoasoani ina ia mafai ona fa'afetaia'i fa'afitauli pe a o'o mai lea lagona ia te oe, a'u ma i tatou uma.

1. O le lē fiafia i tagata e va'avaai a'e i ai. (Disappointment in those you look up to)

E tu'u faafeagai le maualuga ole fiafia, ma le maualalo ole fa'anoanoa, pe afai e le o gatasi le futia ma le umele, i se fa'amoemoe ae le fa'ataunu'uina. Ina ua fanau le tama o Samuelu, ona ave lea o ia e lona tinā o Hana ile Ositaulaga o Eli. Sa maualuga le fa'amoemoe o Hana ia Eli, fa'apea lana fanau ma lona Aiga, ole fesoasoani tele e faafailele ma tapena lana tama mo le galuega ale Atua. Peita'i, sa i ai se fa'aletonu tele ia Eli; o se Ositaulaga na vaivai lana faatonu ma lana apoapoa'i i lana fanau. Na ulavale le fanau a le Ositaulaga ma o laua so'ona fa'aogā sesē ai lo latou tofiga fa'afaifeau, ua ta'uvaleaina ma inosia ai le galuega.

E leai se faitioga ia Samuelu pe ana fai e sesē ai o ia, i lona vaai a'e mai fa'alogos Eli. E telē le avanoa e fa'ataitai ai Samuelu i amioga leaga a Hofeni ma Feniaso, o tama matutua na va'avaai a'e i ai o ia. E ui ina sa le'i fiafia Samuelu i tagata sa fai ma ona matua, ma ona uso matutua, ae sa ia taofiofi pea i ona lagona. Sa ia matua'i fa'asaga a'e ona mata i luga ile Ali'i. "Ua tupu Samuelu, sa ia te ia le Ali'i, ma ua le mafai ia te ia ona i'uvale sina ana upu". 1 Samuelu 3: 19. Na avea Samuelu ma se tasi o perofeta ta'uta'ua a le Atua, auā e ui ina sa ia lē fiafia ia Eli ma lana fanau, ae le'i fa'asesēina ai o ia.

2. O le lē fiafia i tagata o lo'o outou nonofo fa'atasi (Disappointment in those you live with)

E i ai le talitonuga o tagata tatou te mafuta ma nonofo faatasi i aiga, o'i latou ia e sili ona alolofa ma lagolago mai ia i tatou. Peita'i e tele taimi e lē fa'apena ai le soifuaga; o tatou lava tagata e toe tausolomua ile faia o uiga ma mea e faatupuina ai o tatou lē fiafia. Na tupu iā Iosefa ma lona Aiga. E fa'amatala atu e Iosefa mea lilo ua faali mai ai le Atua ia te ia, ma lona manatu ole a fiafia uma ai lona Aiga. Peita'i na avea lena ma mea na tupu a'e ai le lotovale ma le ino'ino o ona uso, ma latou fa'atau atu ai o ia e fai ma pologa i tagata 'ese; na fa'atauina ese atu e ona lava totino na latou nonofo fa'atasi.

Mulimuli ane, ona fai lea ma mona aiga, le fale o lona matai o Potifara ma le Faletua. Sa fa'amaoni Iosefa i mea uma pei o lona Aiga moni. Peita'i na ave o ia ile fale puipui, ona o tu'ua'iga sesē sa fai e tagata na latou nonofo fa'atasi. O le tula'i so'o mai o nei faiga leaga mai tagata sa latou mau fa'atasi, na fa'aoso'osoina ai Iosefa e fai ni amioga leaga, pei ole tau ma sui pe pule ile ola. Peita'i, sa tu'u avanoa pea Iosefa, ma sa ia tu'u lona lē fiafia ile Atua; na fesoasoani mai i ai le Atua e aumai le filemu i lona loto, ma avea ai faasalaga o se avanoa e aga'i atu ai ile fa'aeaina. Ole faiga

## TOMANATUGA FA'ALEAGAGA

lena e togafiti ai le lē fiafia. E sili atu lenā nai lo lē taumafai e tau ma sui, pe fafau mailei ma togafiti e tau ai ai. Ole mea faasatani lena.

3. Ole lē fiafia i tagata tou te galulue faatasi ma e faamoemoe i ai. (Disappointment in those you work with and depend on)

E te manaomia nisi tagata e fesoasoani ma lagolagosua atu ina ia taunu'u ma taulau ma manuia ou faamoemoega. Peita'i, afai e lē tula'i mai nei tagata sa e faamoemoe i ai mo se fesoasoani, ma lē tali mai tagata sa e faalagolago i ai, ole a e lagona le toga ma le lē fiafia. Na faapena le mea na o'o i ai Mose. Na tu'u lona uso o Arona e vaai le Nu'u, a'o ia alu a'e e talanoa ma le Atua ma aumai Tulafono e 10. E toe fo'i ane Mose, ua mata'utia le mea ua o'o i ai Isaraelu. Ua ifo i tupua, faita'aga, mulilulua ma isi mau uiga matagā, ma amioga fa'apaupau. A'o fea nei Arona sa fa'amoemoe i ai lona uso? Ioe ua solomua Arona ona ta'ita'i tagata ile leaga.

Le au uso e ma le aufaitau. O taimi ole pogisa i le lē fiafia, na iloga ai le susulu manino ole tofā ale ta'ita'i e loloto lana tofā. E lei avea lona le fiafia ia Arona ma Isaraelu, e sui ai e Mose lana va'avaai ma lana fa'alogo atu pea ile Ali'i. Na ia feaga'i ma talanoa ia Arona, na ia feagai ma fesili atu pea ile Atua mo lana faasinoga, ma atuli ona ua tatalo ile Atua mo le faamagaloina o Isaraelu. Ioe, na faafogaina e le Ali'i ma ia toe fa'amanatu ia Mose lona valaauina. "Alu ia oe, ta'ita'i atu ia le Nu'u ile mea na ou fai atu ai ia te oe, faauta, e muamua atu la'u agelu i ou luma". (Esoto 32: 34) E a'oa'o mai ai ia oe ma a'u le tatou Kapelanisia, e lē soloia e le lē fiafia le valaau ale Atua ua uma ona ta'u mai. E le aveesea e le lē fiafia le auai mai pea ole Atua. Ole feau, fai pea le mea na aumai ai i tatou e le Atua, ae aua le avea mea e tutupu ma fa'anoi e lagi ai.

Ia manuia tele lenei masina fou.

Manuia ona o Keriso

Oa outou Auauna ile Ali'i

Vaueli ma Veronika TuiTolovaa

2

## Akiepikopo Paul Martin



2 Iuni 2023 – O le ulua'i tusitusiga lenei a lana afioga Akiepikopo Paul Martin o le Ta'ita'i a le tatou Pule'aga Fa'aakiepikopo i Uelegitone nei.

Tenā koutou katoa

O se fa'aeaeaina le tusi atu ia outou mo le taimi muamua o le Akiepikopo lona 8 a Uelegitone. O lea ou te iloaina e le'i atoa se tausaga talu ona ou si'itia mai le Pule'aga nei ae to'atele nisi o outou ou te le'i feiloa'i atu i ai, po o pailisi po a'oga ou te le'i asiasi atu i ai. O lo'u fa'amoemoe mo le tausaga a sau o le a mafai ona ou alu atu ma feiloa'i i fa'apotopotoga 'ese'ese a le tatou Pule'aga.

Ou te mautinoa tou te talisapaia, e pei o a'u, ua tatou tutū i luga o tau'au o latou sa muamua atu iā i tatou. Mo a'u e amata i o'u mātua ma le aiga laua'itele sa tu'uina mai le fa'atuatua iā a'u ma lagolagosua iā a'u i la'u malaga fa'afa'atuatua. O le tele o fa'apotopotoga 'ese'ese sa ou 'au ai i lo'u olaga. E a'afia ai le Sosaiete a Maria, sa foafoaina a'u ma lana 'au'aunaga sa ou galue ai mo le 24 tausaga. E a'afia ai fo'i male Pule'aga a Kalaisete sa fa'aeaeaina ai a'u o le avea ma leoleo mamoe mo le fa ma le 'afa tausaga. O lenei o le Pule'aga, fa'atasi ai ma le Akiepikopo na muamua atu iā a'u. O se agaga mauualalo ma le

fa'aeaea le talosaga a Pope Faranisisi e ta'ita'ia le Pule'aga i lenei taimi.

Ou te fia fa'ailoa atu Katinale John ma lana 'au'aunaga ma le fa'amaoni i le Ekalesia i'inei mo le tele o tausaga. Ou te iloaina o ia o se tagata leoleo mamoe lafu lemū ma o se tasi sa mana'o i ona tagata ia olaola i le latou va feagai ai ma le Atua ma mo le Ekalesia ia avea ma nofoaga mo tagata uma. Ou te iloa o le a outou

## Akiepikopo Paul Martin

fa'auau pea ona tatalo mo ia a o ia olioli i fua o ana galuega.

A sau se tagata fou e masani ona tatou manatu po o a latou lisi o mataupu, pe fa'apefea mai latou. O se mea masani lenā ma e fai sina taimi e fa'amasani ai i se tasi, o a latou auala e galulue ai, le va'aiga ua latou faia ai nisi o galuega. O le vaega lenā o le malaga o lo'o lumana'i nei mo outou ma a'u a o tatou galulue fa'atasi mo le lelei a le Ekalesia ma le fa'asoaina o le Tala Lelei ma isi. Ou te naunau atu mo lenei faigamalaga agai i luma ma outou.

Se tasi o mealofa tele a le tatou Ekalesia e i ai le fausaga ua tatou iloa ai po fea tatou te tutū ai ma mea tatou te malamalama ai. E i ai taimi o le a tatou tauivi ai ma nisi o nei mea, ae o le malosi o le tatou tutū fa'atasi i le talitonuga, tatalo ma a'oa'oga. E lē o se manatu a a'u e filifilia ai ni mea, ae o mea e talitonu ma a'oa'o e le Ekalesia, ma o se puipuiga mo tatou. I le tatou sosaiete e maua luga le fa'aletagata o lo'o i le Ekalesia le moni laua'itele e lē fa'amoemoe i tu'inanau a le tausaga. E mafai ona avefa ma lu'itau mo tatou le ola ma folafola lenei, ae e lē taofiofia ai le moni. I lenei malamalama'aga o tatou ta'ito'atasi, aemaise latou o lo'o i tulaga o le pule po le i ai o ni matafaioi mo se vaega o le olaga a le Ekalesia, e tatau ona fesiligia pea tatou lava po tatou a'oa'o ina ma ola ai mea e talitonu i ai le Ekalesia. O fa'apotopotoga Katoliko, afai o le a tauavea lenā igoa, e mana'omia ona fa'atuatua i le uiga o na mea. O tatou ta'ito'atasi e mana'omia ona fesiligia tatou lava pa afai o tatou o lo'o molimauina lenei iā tatou 'au'aunaga, ta'ita'iga ma le 'au ai.

O se tasi o mea ou te fa'amoemoe e tatau ona tatou malaga atu ai i le Pule'aga o se fa'afouga i o tatou olaga fa'aleagaga. Afai ou te lē alofa iā Iesu Keriso o le a lē fa'aosofiaina a'u e atia'e le fa'apotopotoga Kerisiano po le avefa ma se tasi e folafolaina le Tala Lelei i isi. Afai o le a ou alofa atu e mana'omia ona ou iloaina Iesu ma fa'asoa i lona soifua ma tu'uina atu i le Agaga Pa'ia e fa'aolaina le afi iā a'u. E mafai ona avefa lenā ma lu'itau ma fa'amata'u, e mafai ona ave'eseina atu a'u mai la'u sone mafana. Ou te mana'o iā i tatou ia avefa ma tagata e iloaina pe fa'apefea ona tatalo, fa'aalu taimi i tatalo ma le Atua i aso ta'itasi, e lē na o se itula i aso Sa. E mana'omia iā i tatou ona fafaga i tatou lava i Sakalameta o le Eukalisitia ma ia faia ma le aogā tele le mealofa matagofie o le Fa'aleleiga, faitau tusi fa'aleagaga, mataupu, po le fa'alogi i fa'asalalauga mai ta'fa'ilagi – e fafagaina ai o tatou agaga ma o tatou mafaufau. A tatou faia lenei ona i ai lea o le fa'amoemoe o le a fa'aosofiaina i tatou e atia'e ni fa'apotopotoga ma avefa o ni faifa'aevagelia. E moni fa'apitoa lenei mo nisi o tatou ua umia ni tofiga ta'ita'i i la tatou Ekelsia. Ou te fa'amoemoe e mafai ona tatou faia fa'asili atu i lenei faiga e fesoasani atu le tasi i le isi ina ia ola ai i lo tatou fa'atuatua ma le vafeagai ai ma le Atua.

Ua 'ou iloaina e to'atele ni tagata lelei o lo'o galulue mo a tatou fa'apotopotoga Ekalesia, e masani e lē o fa'aioaina pe atonu e lē o iloaina e le to'atele. O latou o molimau ola i le fa'atuatua ma fa'aali le moni o le fa'atuatua. Ou te valauina outou, afai tou te silafiaina tagata fa'apenei, faia le avanoa e fa'afetai atu ai iā i latou ma fa'amalosi'au iā i latou i mea o lo'o latou faia.

Ma e fa'ai'u, mo a'u o se malaga umi lenei ua tatou fa'atasi ai. Ua vala'auina a'u e faia la'u matafaioi i lenei tofi mo le 19 tausaga, pe a finagalo i ai le Atua, i le Pule'aga. O nisi o outou o ni suli o fa'apotopotoga o le fa'atuatua ale Pule'aga i o outou olaga atoa, o nisi, e pei o a'u na sau i le Pule'aga, o nisi o ni Katoliko i outou olaga atoa, o nisi mo taimi pu'upu'u. Po o le a lava le tulaga, o le galuega lenei a le Atua o lo'o tatou faia. O lo'o tatou galulue fa'atasi i ana fuafuaga mo le lalolagi ma mo le Ekalesia ale Pule'aga ma tua atu. O tatou aiga o le fa'atuatua na muamua atu sa faia la latou matafaioi, e fa'apea fo'i ona tatou faia la tatou i le taimi nei, ma o se moni matagofie ma o se tasi ua fa'asa'olotoina i tatou mai le tauamoina na o tatou o le avefa mamafa. Tatou te faia fa'atasi ma tatou te fa'atuatuaina le tasi ua savali ma i tatou i lenei faigamalaga, Iesu Keriso, ma i lona Agaga Pa'ia, o lona sau na tatou toe patipatia i le aso Sa o le Penetekoso talu ai nei.

Ia fa'amanuia le Atua iā i tatou ta'ito'atasi a o tatou ola ai o tatou olaga Kerisiano i totonu o a tatou fa'apotopotoga Katoliko.

+ Paulo

## SI'ITIAGA O MARIA I LE LAGI

O le aso 15 o Aukuso ua tatou patipatia ai le sulufaga o le Si'itiaga i le lagi ua fa'aioaga ai le muta'aga o le soifuga fa'alalolagi nei a lo tatou Tinā o Maria. O le sulufaga i le amataga o le seleselsa ma ua tatou fa'amanatuina nei mo le sefulufa seneturi i le tala'aga a lo tatou Ekalesia. Ma ua tal-

## SI'ITIAGA O MARIA I LE LAGI

afeagai ona o Maria o le tasi o ulua'i seleselega tele na fa'amaopopoina e lona Alo paia. O le mea ua alu atu i ai Maria tatou te fa'amoemoe e mulimuli atu i ai.

O le si'itiaga o lona uiga o Maria, i le mae'a ai o lona soifuaga fa'alalolagi nei, na si'itia i le mamalu o le lagi, tino ma le agaga e pei o le fa'ataunu'uina o lana taunu'uga sa ia ausia i le ola ai o se olaga o le tali atu i le alofa i le finagalo ale Atua. A o talavou o ia sa i ai fo'i ana ia fuafuaga ma fa'amoemoe moega ae o le Atua ua tu'uina se fuafuaga 'ese mai ai ia te ia ina ua fa'afeiloa'i o ia e le agelu o Kapeliele i se leo o le fa'aaloalo. Na matu'a'i fa'ate'ia o ia. Ona o se avā a se kamuta, sa fiafia lava i lona tulaga sa i ai sa lagonaina fo'i lona lē taūa mo se fa'aaloalogia fa'apitoa. I le tali atu i le finagalo ale Atua sa ia fai atu ai ma le agamalū: 'O a'u o le 'au'auna ale Ali'i. Ia faia ia te a'u e pei ona ia finagalo i ai.'

O le sulufaga o le asō, 15 Aukuso, ua aumai ai se avanoa tatou te tomanatu ai ia Maria o lē sa avea ma tala'aga sili i le soifuaga a Keriso, e masani ona galulue fa'atasi ma lona Alo. E lē tataua ona faigatā tele ona fa'aogā le fe'au a le soifuaga o Maria i o tatou fo'i olaga ona e pei o tatou e le'i to'esea mai le olaga moni. Sa ola ai fa'atasi ma fa'afitauli e pei ona tatou feagai atu i ai i aso uma. Sa silafia lelei e Maria le uiga o puapuagā ma sa tu lava i autafa o le koluse ma le tino o Keriso i ona lima.

O se sulufaga fiafia tele lenei, folafolaina mo i tatou le Tala Lelei o le fa'aolataga. O se fa'amanatu o tatou lava fo'i tino o ni malumalu a le Agaga Pa'ia ma e pei o Maria ua tatou aga'i atu mo le mamalu. O le mea moni lava tatou te talitonu o le mea na tupu ia Maria o le a tupu ia i tatou uma. Sau se aso o tatou fo'i o le a olioli i le va'aia o le Atua i le lagi o ni tagata atoa – tino ma le agaga.

## ASO SA SEFULUTOLU O LE TAUSAGA

I se vaitau ua vaia ai le vāvāmao o tagata o lo'o i ai se mana'omia tele mo se faigauō mafana ma le taūa o tu masani ma faiaga masani o le fa'aaloalo ma le tali malō lelei ua toe mauaina mai. E tau mamao mai le va i le faitali fa'aopopo, talimalō ua va'aia o se tiute pa'ia ma ua tutusa ma le fa'aulufale mai o le Ali'i lava ia. O le tala fiafia i le ulugali'i na fa'aulufale mai le perofeta o Elia i le fale ma o se i'uiga na tauia i se mealofa o le fanau mai o se la tama, o se fa'ailoga le taūa o le talimalō lelei i le va'aiga a le Atua. Ua fa'amanatu mai e le evagelia ia i tatou o faiga laiti o le foa'i ma le alofa ua tatou manuia ai, e o'o lava i faiga fa'atauva'a o le agalelei, e pei o le avatu o se ipu vai malulū i se tagata 'ese i o tatou faitoto'a, o le a maua ai le alofa o le Atua ma i'u ai i ni fa'amanuiaga tele. O le lalolagi o lo'o tatou ola ai nei o lo'o tagi mai mo ni galuega alofa laiti, e itiiti lona tau ae fa'anoanoa lava o lo'o misia, e pei o le 'ata, se upu o le fa'afetai po o se vala'au i le telefoni. I le avatu o se fa'aulufale i isi tagata ua tatou mulimulita'i i tulagā vae a le Ali'i o lē ua i ai le avanoa mo tagata uma i lona loto.

O le vala'uina o Iesu i o tatou olaga ma fa'amuumua o ia i o tatou fiafiaga o se galuega e mana'omia ona e a'afia ai le toe fa'asa'osa'oina o tatou uiga. Atonu o le malamalama i tausaga e tele o le manatu fa'apito sa faia i le tele o tausaga. Ua sau Keriso i o tatou faitoto'a i le tele o foliga 'ese'ese ma e lē masani ona maitauina. Afai tatou te le'i tata'eina le atigi malō o le fa'atauva'a i isi, o le a tatou uia le tulaga lamatia o le mamulu atu o le tele o avanoa lelei mo le faia – o le agaga. Afai o se tagata 'ese ua sau e fia maua se fesoasaoni, o la tatou lagona fa'anatura ua ta'u maia ia i tatou e 'aua le a'afia ai pe tu'uina atu tatou i se fa'alavelave. Vaganā ua tatou faia se fa'ai'uga malamalama lelei e pa'i atu ia i latou ua i ai le mana'omia, o le a tatou fēitai le fa'alavelave fa'apeni ua afaina ai tatou aiā tataua ma faia ai le lamatia o le lē amanaiana o le tagata ua moni lona mana'o.

O le mulimuli ia Keriso e a'afia ai le fa'atinoina o le ala o lona olaga ma i se fa'apotopotoga Kerisiano o le uiga o tagata uma e tataua ona lagona le fa'aulufale mai ma e a'afia ai ma latou ua fa'apea o ni tagata 'ese po o latou ua fa'ate'a'eseina. O le talimalō o lona uiga ole fa'aali o uiga ma le

# ASO SA SEFULUTOLU O LE TAUSAGA

naunau e fa'alavelave i o tatou olaga fa'aletagata ina ia faia ni gaoiiga o le agalelei e lē fa'amaumai-  
na ona e lē o le mea ua foa'iina atu e taulia ae o le loto na foa'iina atu ai. O le itiiti ua mafai ona tatou  
faia mo Keriso, o lē ua talia i tatou i o tatou tulaga agasala, o le talia le tasi ma le isi i ona 'a'ao alofa.  
I lenei auala ua tatou tali atu i lana vala'au fa'amalosi'au mo le fa'aso'oina ma ia fa'aofi mai lana upu  
e ta'ita'ia i tatou.

## ASO SA SEFULUFA O LE TAUSAGA

A tatou faitau i le evagelia o le ua faitauina i le asō e lulu o tatou ulu i le inoino ma le manatu po o le  
a lea ituaiga o fa'a[otopotoga o tagata a Nasareta ua liliu o latou tua ia Iesu. Ma a tatou faia fa'apea,  
ua tatou misia le 'auga atoa o le tala a le evagelia. O le a tatou lē va'aia o aso uma ta'itasi ua tatou  
nofosala ai i lenei ituaiga o amio. Ua tatou fa'ata'ita'ia tagata Iutaia pe afai e liliu o tatou tua i pero-  
feta fa'alotoifale o latou ia ua avea ma sulii ale Atua i o tatou totonugalemū. O le leai o se fa'atuatua  
o le a muta ai fo'i la latou 'au'aunaga. O le fa'afitauli e uiga i le Atua ma Nasareta o le Atua na sau i  
Nasareta i se va'aiga o se tasi o le lotoifale, se tasi o le nu'u, ma o le fa'apopotoga ua le mafai ona  
malamalama i lea tulaga. Sa latou lē maitauina le manino – o lo'o afio ai le Atua fa'atasi ma tagata –  
o le moni o lo'o latou feagai lelei ae ua avea ma se mea masani ua latou lē maitauina lea. O tulaga o  
le aiga a Keriso sa iloina lelei e tagata o le nu'u ma sa latou lagonaina ona o ia o se tasi o latou na  
latou fa'apea ai e leai se mea na te ofoina mai. Ona o lea, o ia na o se tasi o latou. O se va'aiga lē alo-  
fa – ua latou iloina lelei o ia ua lē maitauina ai le lima o le Atua o lo'o latou fa'atasi.

O le ola i le tele o ala, o lona uiga o le sa'ilia lea o le Atua ae o le to'atele o tatou ua sa'ili mo ia i  
mauga mamao ma nofoaga lē mautinoa. Tatou te fiafia e fa'agalo le mea mautinoa, o le Atua e gaoi i  
auala fa'amisitelio, ma e foliga mai o lo'o i ai iā i latou e lata mai ma pele, ma i o tatou tuā'oi. O lo'o  
afio le Atua i vaega masani o le olaga ma o lo'o i ai i le tele o taimi se mea tatou te lē manatu so'o i  
ai. E lē o to'esea mai lenei lalolagi, pe o fa'atapula'aina pe pulea e ni sauniga fa'alelotu ma gagana.  
Ua tatou feiloa'i atu i ai i tagata uma ta'itasi, nofoaga ma taimi ua sau iā i tatou. O le fa'afitauli o  
tatou, ona e latalata le tasi i le isi, ua tatou va'aia ai na o sesē ma ave fua ai le mealofa o le agalelei o  
lo'o ia i tatou uma. E avea i tatou ma fa'apopotoga o le au faitio ma le tomumu pe a tatou tu'uina  
atu o tatou lava e fa'atauasoina e le loto leaga, fa'aitu'au ma le upuleagaina.

O lo'o fai mai le evagelia iā i tatou e faia se fa'afetai ma avatu le fa'aeaea ma le aloa'ia i perofeta o le  
agalelei ale Atua o lo'o i o tatou fa'atasiga. O le mea lea, o le fa'aalia atu o le talisapaia i le asō mo le  
tagata ua e fa'aipoipo atu i ai, o se upu vivi'i mo le tama'itai ua tapenaina le taumafataga, mo lē ua  
mauaina mai se totogi, mo taua'oi e te talanoa so'o atu i ai ma mo faigauō ua tu'uina atu ia oe le tai-  
mi, lagolagosua ma le mata'itu i ni taimi o fa'anoanoaga talu ai nei. Ia tatou tau'ave fua le afio ai o le  
Atua fa'atasi ma i tatou o le molimau i le agalelei ua fa'aalia e aiga ma uō.

## ASO SA SEFULULIMA O LE TAUSAGA

O lo'o i ai se mea fa'age'etia tele lava e uiga i le faitauga mai le evagelia o le auina atu e Iesu o le  
to'asefululua o ni ali'i masani, i le mae'a ai o ni a'oa'oga pupu'u lava e tala'i atu le Upu a le Atua, sa  
le'i malamalama atoatoa i ai. Sa manatu e ola ai i ni olaga fa'atauva'a, ia avea o ni tagata matitiva ona  
o ia fo'i sa mativa ma 'aua ne'i popole tele e uiga i o latou mana'oga fa'aletino, pe maua i le ita pe  
afai o la latou fe'au e lē fa'aulufaleina i faitoto'a uma. E le fa'ate'ia o la latou tala'iga sa matuā solo-  
ga lelei ma le manuia. O le mea lilo o la latou galuega na fua lelei ma sa ta'u leleia i latou mai  
fa'ata'ita'iga ola a Iesu ma le taimi na fa'aalu ma i latou.

O le auina atu o aposetolo e to'asefulu ma le lua o le amataga lea o le misiona a le ekalesia i le  
lalolagi. Mai seneturi e tele o tagata fa'atauva'a sa vala'auina i le faiga lea e tasi, ina ia maua mai  
agaga mo Keriso ma fa'apopototo mai i latou i lana ekalesia. Afai e momoli atu le upu a le Atua i ta-  
gata uma ona o tagata uma ua fa'alogoina e tatau ona fa'a'iloina atu. O le Tala Lelei o le fa'aolataga  
e le'i fuafuaina e puipua i se loto leaga ae ia fa'asalalau ma tu'uina atu. O kerisiano uma ua papati-  
soina ua vala'aina ina ia ausia lenei galuega o le tala'iina atu o le evagelia. O le fe'au o le fa'aolataga  
ua ofoina mai iā i tatou uma ae lē o fa'amalosi'ia i se tagata, ona o se filifiliga a le tagata lava ia e talia  
pe te'ea le vala'au a le Atua. O le asō ua iā i tatou le avanoa o le tali atu i le vala'aulia ale Atua i se  
sosaiete o lo'o i ai le manatu fa'apito o se vaega o le fa'atulagaga fa'avae, ma o se ioeina o se tulaga  
lelei tele. O lenei vala'aulia i se olaga taumauga o se lu'itau tele ma mana'oga ina ia i ai ni o tatou

## ASO SA SEFULUTOLU O LE TAUSAGA

loto alofa. E to'atele i tatou, mulimuli mai ua maua i se fa'alogo'aga ua leai se mea o totoe e ofo atu i le fa'alateleina o lona malō. E ao i matua ona manatuaina o se tasi o folafolaga aogā a le evagelia e mafai ona fa'atinoina e aunoa ma le alu atu i luma o faitoto'a: i le fa'afaiileina o a latou fanau i le fa'atuatua ma le lagolagoina o tulaga fa'atāuaina i o latou aiga. O le galuega lenei e mafai ona faia e aiga uma, ma e lē a'afia ai se galuega tele.

O le isi auala aogā tele ile folafolaina o le evagelia o le faia o le molimau e leai se pisa i se ituaiga o olaga fa'atauva'a. O le to'atele o tatou ua gaogaosā o tatou loto ma mafaufau i mea fa'alalolagi nei e leai ni aogā, ua taofiofia ai i tatou i le 'au atu i mea ua sili le taūa o le olaga. O le tele o mea ua tatou fa'aputupu i lenei olaga ua le fa'aogaina ma ma'imau. Ua galo iā i tatou pau le atopa'u tatou te malaga ma i tatou pe a tatou tu'ua lenei lalolagi o le alofa. O le galuega a Keriso ua mana'omia se taumauga atoa i mea laiti ua faia i aso ta'itasi. E mana'o ia i tatou uma ia avea o se vaega o lana misiona lavea'i. O tatou o ona lima i galuega ua tatou faia, o lana laulaufaiva i upu ua tatou tautatala ai, ma ona vae i nofoaga ma tagata ua tatou asiasi atu i ai.

### ASO SA SEFULUONO TAUSAGA MASANI

O nisi o fa'atusa na tusia e nisi o ulua'i Kerisiano o lo'o tusia i puipui o le fanua tanu i lalo i le 'a'ai o Roma o Keriso o se talavou leoleo mamoe e leai se 'ava, o lo'o amoina se tama'i mamoe i ona tau'au. O lenei sini mai anamua a ulua'i Kerisiano tusi āta ua fa'amatala mai e le evagelia o lo'o alofagia e Keriso le motu o tagata ua pei o ni mamoe ua leai se leoleo mamoe. O le va'aiga o aposetolo ua toe fo'i mai le latou ulua'i galuega o le fa'amisionare. Ua lelavavā ma ua mana'omia ni faigamalologa. Ua silafia e Keriso o latou fa'alogo'aga ma na ia ave i latou i se nofoaga e leai se pisa e malolo ai i ni faiga tatalo. Ae e le'i alu lelei e pei ona fuafuaina. Ua iloa atu e le motu o tagata le nofoaga ua latou aga'i atu i ai ma na latou muamua taunu'u i ai i lo o Iesu ma le au so'o. Sa manatu se tasi o le a fa'atonuina e Iesu i latou e o i o latou aiga, ua lava ia galuega mo lea aso, ae le'i fuli atua lona tua i lea tulaga. O a latou tulaga o se fa'anoanoaga ma sa ia iloaina lelei o latou mana'oga.

6

O tatou uma e mafai ona maua mai ni a'oa'oga mai uiga fa'aalia a Keriso i le fa'amuumua o mana'oga a isi i lo'o ia. Afai e leai se malologa mo Iesu, o le a leai fo'i ni malologa mo latou o lo'o mulimuli iā te ia. Ona o le vituti o le vala'auina e o tatou papatisoga, o tatou uma ua i ai le matafaioi Kerisiano ma se aofa'i o le fa'aleoleo mamoe e tatau ona faia. E i ai taimi e foliga mai ai e leai se tu'ua aemaise i olaga fa'aleaiga. A lē lelei le va'aia o fanau tuputupu a'e ma fa'atonutonu lelei, o le leiloa atu i latou ma feoa'i lē tapasāina i lenei olaga ma le leai o ni fa'amoemoe. O le avea ma Leoleo Mamoe Lelei ua mana'o i ai Keriso iā i tatou o se laina faigatā tele. O le ala ua ia mana'o iā i tatou e savalia e sa'o ma vāiti a Poloa'iga e Sefulu. Vaganā tatou te feso'ota'i pea ma Keriso i tatalo, o le a maua i tatou i le fa'afitauli o le feoa'i sesē solo ma uia nisi o auala ua tosiga atu i ai.

O le evagelia o lo'o talanoa mai i le taūa o le sa'ilia o se nofoaga e filemū ma leai o se pisa i o tatou olaga e mafai ai ona tatou fa'atasi ai ma Keriso i tatalo. E pei o Keriso, e mana'omia ona tatou o 'ese atu i ni taimi mai le vevesi o lenei olaga ina ia maua se avanoa e fa'alogo ai i le leo o le Atua ma toe fa'afou ai i tatou fa'aleagaga. O le leo a le Atua ua lagona lelei i taimi o le leai o se pisa. Pe ana tatou tu'uina atu le avanoa iā Iesu e faia ai o tatou loto ma ona nofoaga, o i'ina ua tatala atu ai i tatou i le mana ma le malosi ale Atua e fesoasaoni ai iā i tatou i taimi o tatou mana'oga tetele. Ua i ai na o tatou i lona afio ai, e tatau ona tatou fesiligia tatou lava po o fea o lo'o tatou aga'i atu i ai ma po a mea o lo'o tatou taumafai e ausia. A tatou le faia ni avanoa mo le Atua i o tatou olaga, ua tatou fa'amaumauina o tatou taimi ma e lē mafai ona va'ai atu i tua atu o a tatou galuega o lo'o fai nei. O tatou olaga uma e pa'ia ae e lē malamalama i lenei vaganā ua tatou talia le vala'au alofa ale Ali'i e alu'ese mai ma malolō mo sina taimi.

## Galuega ale Au Aposetolo (fa'auaua mai lomiga talu ai)

### 19: 21 – 40 O se Fa'apopotoga ua feagai ma ni faigatā.

O le Ala a le Ali'i Iesu ua fa'auau ona e i ai ni fa'aletonu fa'aletino. Le tete'e a le au fai mea ario a Efeso ona ua afaina le latou olaga (le fa'atauina o siliva ale malumalu ta'uta'ua a le atua o Aretima) ua atagia mai le fa'amata'u e a'oa'oga a Kerisiano ua tala'ia le tete'e i le ifo i tupua. (o mea mai anamua na 'eli maia i luga ua fesoasaoni ia i tatou e malamalama i fausaga o lo'o a'afia i'inei. Se tasi o "matagofie e fitu a le lalolagi anamua," le malumalu o Aretima, le fa'atusa u'amea, fa'apea o le fa'atusa o Zeus e 127 futu le maualuga. O le foliga atoa ua fesoasaoni mo tatou e malamalamaina ai pe aiseā i fa'atusa na faia i siliva o ni va'aiga matagofie mo tagata fai malaga ma le tupe e maua mai ai. E lua ni vaega ta'ua na maua mai fa'amatalaga a Luka mai lenei va'aiga. Muamua o le fa'alavelave a le ofisa a le taulaga ua fa'aoga ai faiga mo Ofisa Roma e galulue ai i le fa'aleleia o fe'ese'eseaiga ma Kerisiano ("ia fa'atonuina lea i le fonu e tala'iina", V. 39).

Lona lua, o nisi o upu na filifilia e Luka o lo'o fa'ailoa mai ai o lo'o ia faia se fa'atusatusaga mā'ale'ale i le va o le vevesi ale au fa'apaupau ma Kerisiano. I le fa'amatalaina o le vevesi, fai mai Luka na fa'atumulia le 'a'ai i le fa'atupu vevesi (fememea'i). O le upu ua filifilia ma le mata'alia o le upu o lo'o fa'aogaina i le Kenese 11: 9 e fa'aliliuina ai le igoa "Papelu." Ma na fa'aogaina e Luka o se veape e fa'amatala ai le iloa masani o le Penetekoso o se toe fa'afo'i i tua o le fememea'i a Papelu (Galuega 2: 6), o le Penetekoso o se faiga ina ua le mautonu tagata i o latou mafai ona malamalama!

O le 'ese'esega ua fa'ateleina ina ua fa'aoga e Luka le upu *ekalesia* fa'amatala ai le fa'apopotoga ua fenumia'i i le fuaiupu 32, 39, ma le 41. E 'ese mai ai le Galuega 7: 38, o lo'o fa'asino le upu i le fa'apopotoga ale au Eperu i Sinai, *ekalesia* i isi vaega o le Galuega o lona uiga o le fa'apopotoga a le lotu. Ua na o lenei le alafua o lenei upu ua fa'aogaina i se fa'apopotoga e lē o se vaega fa'aekalesia. Mo le au ulua'i faitau a le Galuega, o lenei upu na filifilia ua na ona fa'ailoa mai ai le 'ese'esega i le va o ituaiga e lua o "fa'apopotoga" – le au lē mautonu na fa'atupu vevesi a le au fai mea ario aga'i atu i le olaola lelei o le ekalesia (vv. 10 – 17, 20). O le tupu fa'alua mulimuli a le *ekalsia* i le Galuega ua maua i le mataupu e soso'o mai ai i le fuaiupu 17 ma le 28 o lo'o fa'amatala mai ai le ekalesia Efeso o se fa'apopotoga na una'ia e ni fa'amoemoe e 'ese mai ai le faitaga'aga, mana'otele, ma le popolevale.

### 20: 1 – 16 Malaga atu i Ierusalem ma le toe fa'aolaina o "Laki" (Eutiko).

I se tusitusiga i le va o mea na tupu i le manumalo i tagata na faia le tutuli'eseina o temoni ma le vevesi ale au fai mea ario (19: 21), ua fa'asino Luka i le filifiliga a Paulo e malaga atu i Ierusalem (ona fa'auau atu ai lea i Roma). E ui na mulimuli ane na ta'ua e Paulo le uiga o lenei faigamalaga o le aumaia o ni 'aupega i Ierusalem (o lenei faiga o lo'o fa'asino i ana tusitusiga i Korinito ma Roma – mo se fa'ata'ita'iga Roma 15: 25 – 28), e lē o ta'ua se aoina i'inei i le mataupu 20. Atonu o le momoliina atu o se tupe fesoasaoni i Ierusalem e lē o se leleiga - fa'alaua'itele sa fa'amoemoe i ai Paulo.

I le mae'a o se maimoaga fa'amavae a ekalesia i Masetonia ma le tolu masina i "Eleni" (Akaia, o lo'o autafa o Kornito), o Paulo na fuafua e au atu i fa'apopotoga faimalagasā luitaia ua malaga atu i Suria, ua iloaina se taupulega aga'i iā te ia ma na filifili ai loa e uia se i si ala, ta'amilo atu i tua o le vanu i Asea. O igoa e fitu o lo'o lisi mai (fa'aopopo i ai ma le tusi tala po ana puna'oa, ona o le "tatou" lona lua ua amata i le fuaiupu 5) aofia ai se faigamalaga o ni sui o le tele o vaega ale tala'iga a Paulo. O lenei faigamalaga ua fetau lelei le manatu o lenei "tupe to'omaga a Ierusalem" malaga (va'ai Roma 15: 25 – 27).

O le tala mālie e uiga i le tau fa'aolaina o Eutiko (sa fa'aigoaina o "Laki" le uiga o lona igoa i le gaganā Eleni)pe ao ona a'afia ai i'inei ona o lona tau fa'afiafia ma lona o gatasi ma le fa'amatalaga o le toe fa'atuina mai o Tapita e Peteru (9: 36 – 43). Ae i le va'aiga i le fa'aeteetega a Luka i le filifilia o upu ma fa'aupuga – "i le ulua'i aso o le vaiaso" (fuaiupu 1; va'ai Luka 24: 1); "potu i luga" (v. 8; va'ai 1: 13; 9: 37, 39) "tofitofiina fo'i le areto" (vv. 7, 11; va'ai Luka 22: 19; 24: 30; Galuega 2: 46); o se taule'ale'a ua si'i a'e i luga "maluu" (v.9) ma na toe fa'aola e Paulo i le fa'ata'ita'iga o āga a Elia ma Elisara ave'ae atu ai o se ("talavou ola"), ua faigata ai ona fa'ate'a 'ese atu le manatu na fu-

## Galuega ale Au Aposetolo (*fa'auaua mai lomiga talu ai*)

afuaina e lē na tusia lē o le a faitauina e tomanatu i le fa'aleoga fa'afa'ailoga ale tala, aemaise pe a maitauina e se tasi o le mea na tupu o lo'o nofo i le va o tala o lo'o fa'asino i le Paseka ("le sulufaga o le Areto lē Fa'afefeteina," v.6) ma le Penetekoso (v.16). Mo le faiga masani a Kerisiano o le tofitofiina o le falaoa i le aso muamua o le vaiaso (Aso Sa) e masani o se patipatiga o le maliu ma le toe fa'afouina ole ola fou, faiga tonu lava ona o nei mea ua fa'auigaina i le malamalama i le fa'amatuina o le Paseka ma le Penetekoso e Iutaia.

Ae mo se fa'amatalaga a'ia'i i polokalame o lo'o si'osi'omia ai lenei tala, o le lisiina o nofoaga ua fa'amatalaina o ni molimau o se naunata'iga mo fa'amatalaga. E mafai fo'i ona tomanatu i fuafuaga a Luka e fa'aailoa mai ai pe na fa'apefea i lē ta'uta'ua na mulimuli iā Paulo ona fa'ata'ita'i i lona ali'i na o'o lava i le faia o se malaga mulimuli fa'aumiumi i Ierusalem, le mea o ia fo'i o le fa'amasi-noina ai e tagata Iutaia ma le au ofisa o Tagata o Nu'u'ese...*fa'auaau pea...*

## O LE PESE A LE 'AU'AUNA MARIA MA LE PENETEKOSO

Ona latou toe fo'i atu lea i Ierusalem. I le taunu'u atu i le 'a'ai, sa latou o atu i potu i luga le mea sa nonofo ai: o Peteru ma Ioane ma Iakopo ma Anitele'a, o Filipo ma Toma, o Patolomea ma Mataio, o Iakopo le atali'i a Alefaio, ma Simona le Selote, ma Iuta le atali'i a Iakopo. Ua finafinau pea i latou nei uma lava ma le loto gatasi i le tatalo ma le 'ai'oi, atoa ma fafine ma Maria le tinā o Iesu, atoa fo'i ma ona uso' (galuega 1: 12 – 14).

O Maria, le tinā o Iesu talu mai le taimi tele o le fa'aolataga ua avea fo'i ma tinā a Ioane ma i tatou uma, ua fa'atasi ma aposetolo i le Penetekoso. Sa ola ai le matafaioi a Maria i le aiga fou ale Atua sa avea le au aposetolo ma sui ma fafine pa'ia ma nisi o ona aiga sa mulimuli atu iā te ia i le fa'atuatua. O tatalo a Maria ma lona fa'atasi ai ma aposetolo e taūa mo le sauniuniga mo le Penetekoso. O Maria, ua tumu i le kalasia, na ta'ita'ia atoatoa e le Agaga, e taūa mo tatou olaga tatalo ma le ala o le fa'atuatua. O le sau ma le mana a le Agaga Pa'ia ua saunia e le tatalo ma le fa'amoemoega a Maria, fa'apea le fa'apotopotoga sa fa'atasi ma ia.

'Ua fa'atutumuina fo'i i latou uma i le Agaga Pa'ia' (galuega 2: 4). O le Ekalesia ua ola ai o le Ekalesia o le fa'atuatua fa'apaseka, ae o le mana a le Agaga Pa'ia ua avatu i ai lona ola atoatoa i le Penetekoso fou. Ua manino mai ai le tutotonu i le Ekalesia le fa'atuatua a Maria: 'Tatou te fa'atuatua i le Agaga Pa'ia, Lē foa'i le ola'. Ua ia tautala mai e ala mai i perofeta ma i se auala fa'apitoa e ala mai iā Maria, le Masiofo a perofeta. O le tatala atu i le Agaga e masani o se mealofa a Keriso, le Atamu fou, ma e mafai e pei ona i ai, e lē motusia mai le matafaioi a Maria, le Eva fou, le tinā o le ola.

Maria, Taupou ma Tinā na ulua'i iloaina le mana a le Agaga Pa'ia. E le gata sa ia fanau maia le Upu Liutino Tagata e le Agaga Pa'ia; na avea fo'i o ia ma fa'ata'ita'iga o le fa'atuatua e ala i le kalasia a le Agaga Pa'ia lava e tasi. E sili atu i isi uma lava, sa ia fa'alogoina le olioli o le Eseta o se mealofa a le Agaga; ua i ai atoatoa ile aiga ma le aiga fou a Iesu ina ua fa'atumulia i latou e le Agaga Pa'ia. E sili atu i lo le au aposetolo, e mafai ona ia fa'apea mai ma le olioli, 'Fa'afetai lava i le Atua...ua iā Keriso Iesu, auā ole tulafono a le Agaga, o le ola ua iā Keriso Iesu ua tu'usaunua mai lea iā te a'u, nai le tulafono a le agasala ma le oti' (Roma 7: 25; 8: 2).

O Maria e le'i tu'uina atu lava i le tulafono a le agasala. I fuafuaga ale Atua, ma i lona ola ai mai le amataga aga'i atu i le fa'ai'uga, o lo'o ia ola ai i le lotogatasi e sau mai iā Keriso o lē o le Feagaiga a tagata. E leai se mafua'aga mo Maria e mata'u ai i le oti. O le maliu o lana sau mulimuli i le aiga i le mamalu a lona Alo. Ua ia soifua atoatoa ma iloaina le tulafono fa'aolataga ale Agaga ua tu'u fa'ata-



# O LE PESE A LE 'AU'AUNA MARIA MA LE PENETEKOSO

sia ai o ia ma Iesu le Keriso, le Tasi na fa'apa'iaina e le Agaga Pa'ia.


O Maria, e fa'asilisili i lo isi uma na lavea'ina e Iesu Keriso, na fua mai ai fua a le Agaga. 'O le fua o le Agaga o le alofa, o le olioli, o le filemu, o le onosa'i, o le mataalofa, o le agalelei, o le fa'amaoni' (Kalatia 5: 22).


O Maria, o le Taupou a le Agaga Pa'ia, ua valauina pea le Ekalesia atoa ma tatou ta'ito'atasi i se olaga e malosi i tatalo, fa'atuatuaga i le Ali'i, ma vivi'i ma avatu le fa'afetai, ma fa'amaoni i le feagaiga. O se tomauga iā Maria e o fa'atasi ma le fa'atuatuaga ua fa'amalosia i le Agaga Pa'ia ma se amio pulea ua tuputupu tele aga'i i lana kalasia. O ai lava e alofa ma fa'aaloaina Maria ma vivi'i le Agaga Pa'ia fa'atasi ma ia e lē ola o ia o se pologa i lalo o le tulafono. O le a ia mafai ona ola i le tulafono fou ua fa'aalia i le Eukalisitia ma o le a fuafuaina mealofa a le Agaga Pa'ia fa'atasi ma mana'oga a ona tagata o se pule aoao. O lenei o lo'o i le ute o le fanau fou mai iā Keriso ma le fa'aauauina o le fa'afouga fa'aleagaga a le Ekalesia. Tatou te le mafai lava ona va'aia le fa'amoemoe - fou mo le Penetekoso fou a le Ekalesia sa fa'ailoa mai e Pope Ioane 23 ma le fa'atuatuaga tele, vaganā ua tatou 'a'ai i se alofa loloto tele ma le fa'aaloalo mo Maria o lē na a'oa'oina i tatou pe fa'aapefea i le Ekalesia atoa ona avea ma fale o tatalo, ma fa'aapefea iā i tatou uma ona iloina ona avea ma le au vivi'i a le Atua i le agaga ma le moni.

Matou te fa'afetai atu iā te oe le Tamā i le lagi, i le aumaia iā i matou, iā Maria, le fa'ata'ita'iga o le fa'amaoni i le tulafono a le Agaga, i le olioli i le fa'atuatua ma le taumauga malosi i le filemū fa'amesia. Ia fa'ateleina le sau iā i matou lou Agaga Pa'ia ma sui ai matou ina ia matou fo'i ona fua mai ni fua o le fai meatonu, i le alofa, olioli, filemu, agalelei ma le agamalū mo le olaga a le lalolagi.

Maria e, o 'oe o le fatu a le Ekalesia ina ua fa'atalitali ma iloa tonu e le au aposetolo le sau malosi a le Agaga Pa'ia. Tatalo mo matou ina ia matou malamalama atoatoa ma lagonaina le uiga o le talitonu i le Agaga Pa'ia ma vivi'i iā te ia fa'atasi ma le Tamā ma le Alo. Amene.











## Ua va'aia Iesu i nofoaga laua'itele

### Mataio 3: 1 – 4: 24

Ua amata le evagelia i le taimi lenei, mo le papatisoina o Iesu sa masani o se vaega autū o tala'iga kerisiano, talu mai lenā na amata ai le tala'iga a Iesu fa'amesia, o lana ekalesia ua amata ona fua mai. O le mea na muamua mai ua na o se fa'atomuaga ma ni tapenaga. O le vaega autū a le evagelia a Mataio (mataupu 3 aga'i atu i le 25) ua ta'oto i 'tusi' e lima, e ta'itasi o lo'o i ai ni vaega o fa'amatalaga ma se lauga ua fausia mai ni tu'u fa'atasia o a'oa'oga a Iesu i se mataupu fa'apitoa. O le tusi muamua e aofia ai le ulua'i galuega fa'alaua'itele a Iesu ma le lauga i luga o le mauga, na aumai ni a'oa'oga e uiga i uiga fa'avae a nisi o latou sa mulimuli iā te ia.

### Mataio 3: 1 – 12. Ua folafolaina Iesu o le Mesia

O lenei ua sau Ioane le Papatiso i le va'aiga. O ia o se tagata i le laina a perofeta a le feagaiga tuai ma o a latou matafaioi e magalua: ina ia fa'ate'ia tagata i le maitauina o le taimi mo se fa'afouga atoatoa ua sau, ma o le fa'asino iā Iesu o lē ua aumaia lenei fa'afouga. Ua va'aia manino mai ana la'ei uiga 'ese ua ia fai mai o ia o se perofeta, ona 'sa ofu i le fulufulu kamela ma le fusi pa'u i lona sulugatiti' o ni fa'ailoga manino ia a le perofeta i le feagaiga tuai.

O le matafaioi a Ioane o se perofeta o le tapenaina lea o se fa'atulagaina mo le amataina o le tala'iga a Iesu. O lana fe'au o le fouvalega, ina ia fa'ata'ape mai tagata mai o latou nofoaga mafana masani i le aumaia i o latou fale le taimi na folafolaina mo le fa'afouga ua sau, ma ina ia fa'amautū se fa'apotopotoga ua saumi e talia le fa'aofi mai o mea fou ua lata mai. O le fa'amamafaina o lana fe'au e 'ese tele mai faiga a Iesu, sili atu, ma e taula'i tele ile malaia ma le natura fa'aleagaina o mea e tutupu mo latou e mumusu a talia le Mesia, a o Iesu e taula'i i le alofa ua avatu iā i latou uma e naunau e tali mai i ai. Ona o lenei gafatia uiga lua o le fefinaua'iga ma Iesu i lona ulua'i sau ua aofia ai se fa'amasinoga i le auala e tasi e pei o le feiloa'iga ma ia i le sau mulimuli. O le Papatiso, e ui i lea, ua fa'atumulia i manatu a le feagaiga tuai i le aso o le sau a le Ali'i o le matua'i to'asā o le a ta'ita'ia o ia mulimuli ane e gaioiga a Iesu o le agalelei ma le alofa e masalomia mo se taimi lētumau pe o ia moni le Mesia na folafolaina.

I se uiga lelei i le Mesia e itiiti lava le mea sa tautala mai ai: e sili atu o ia i lo Ioane i le mana ma le mamalu, ona o Ioane e lē agava'a e aveina ona se'evae; o se galuega ua sili lona fa'atauva'a, ua fa'atauva'a tele e masalo e lē tu'uina atu i le pologa Iutaia, ae peita'i e lē aoga Ioane mo lea vaega. Ma o Iesu o le a papatiso atu i le Agaga ma le afi; o elemene nei e lua na perofetaina mo taimi mulimuli a le Mesia. O le muamua o se afi fa'ama-māina lenei o le fufulu 'eseina ai u'amea fa'avae mai tagata ale Atua, tu'ua ai se u'amea mamā ma le uiga 'ese, taumafai ma tofotofoina i le ogaumu, mo le Atua. O le agaga o le agaga na folafolaina e Esekielu o le manava-aina lea o le Atua i totonu o ona tagata, avea ai i latou ma se foafoaga fou ma se ola fou, ma se loto fou e ma'ale'ale i musumusuga a ana fa'aosofiaga ma lona alofa.

1. O le a le talafeagai o nei mea uma e uiga ia Ioane ma le muamua mai le Mesia i taimi nei aso?
2. Pe ua tatou va'aia i nei ona po le ekalesia ua latalata i faiga o manatu a Ioane le Papatiso po Iesu Keriso?

## Faitauga mo le Masina o Iulai – 2023

**Aso 2 Iulai aso Sa 13 Taimi Masani** - Faitauga muamua – 2 Tupu 4: 8 – 11, 14 – 16. Matua: O le tagata pa'ia o le Atua lenei, o lē sau so'o iā te i ta'ua.

Salamo 89: 1 – 2 (tali), 15 – 16 (tali), 17 – 18 (tali). Tali: O le alofa mai o le Ali'i ou te pese ai lava e fa'avavau.

Faitauga lona lua – Roma 6: 3 – 4, 8 – 11. Ua tatanu fa'atasi i tatou ma ia i le papatisoga ina ia tatou savavali i le ola toefuata'iina.

Aleluia, Aleluia...O au afioga o le agaga ia, o le ola fo'i ia; o iā te oe upu o le ola fa'avavau... Aleluia.

Evagelia – Mataio 10: 37 – 42. Matua: O se lē ave lona satauro, e lē aogā fo'i lea iā te a'u. O lē talia outou, ua talia e ia a'u.

### *Tofitofiga o le Upu:*

“Ua o'o i le taimi e alu ai i le moega ma moe,” o se tamā ua fa'atonu atu lona afafine. E le'i mana'o i ai lenei teineitiiti ae ina ua toe fai atu lona tamā ma ua si'isi'i atu lona leo, o ona mata ua fa'atumulia e loimata. Ua fai mai le teineitiiti i lona tamā: Tamā e te alofa iā te a'u?” Na tali vave mai le tamā: Aiseā?” Sa ia fa'aloaloa ma tatala atu ona lima ma fa'apea atu, “le lautele lenā.” Ona ia fesili atu lea i lona afafine, “O le a le tele o lou alofa iā te ia. I le fa'ata'ita'iga, sa fa'aloaloa atu lima o le teineitiiti ma tatala laua'itele. Na fusi atu lona tamā ma fa'amatala atu o lona alofa mo ia i le faia o le mea ua sili atu mo ia; afai e alofa moni iā te ia, e tatau ona usita'i ma alu loa e moe.

I le faitauga mai le Evagelia o le asō ua avatu e le Ali'i ni ta'iala manino lelei e uiga i le ituaiga o alofa ua ia talosaga mai ai iā i tatou mo ia. O le masani, fai mai ai o ia, e tatau ona sili atu le alofa tatou te avatu i o tatou matua ma fanau – o lona uiga o alofa e lua e sili atu le mafana ma le moni. O le mea lea ua tatou va'aia le maualuga ma le aupito sili ua ofoina atu e le tagata i isi, ma iloina o lo tatou alofa o le Atua e tatau ona sili atu, e ui e lē mafai ona tatou va'ai iā te ia i le feagai atu i ona foliga pe fusi atu o ia i o tatou lima. O se alofa e mana'omia tele; le tasi ua fusi ai ma le mafana i tatou i se fa'atuatuaga loloto ma le ola. Ua tatou iloina na tatala tele ona lima i luga ole koluse ina ia tatou iloa ai i taimi uma lona alofa tele mo tatou. I le isi vaega o lenei Evagelia, o lo'o fai atu le Ali'i ua talafeagai i tatou mo ia pe a tatou ave o tatou koluse ma mulimuli atu iā te ia. O se koluse e masani ona fa'amanatu mai iā i tatou o tigā ma le maliu, ae o le fe'au o le alofa ma le ola e sili atu le loloto le to'oina i le koluse a Keriso.

Tatou te lē alolofa moni atu i isi pe a tatou manatu na o tatou lava. O le ituaiga o manatu pa'ia o lo'o talanoa mai ai Iesu e tele lona tau. Agalelei, onosa'i ma le fa'atuatua e lē faigofie ona sau mo le tele o tagata. O le alofa moni e lē gata na o upu ae o le avatu o se ipu vai i se tasi ua mana'omiaina.

Vaganā ua tatou amo se koluse ma mulimuli i le Ali'i, e aogā i tatou mo ia. Ona tatou te manana'o ina ia tauia i tatou i lona alofa ma le fa'atuatuaga, e tatau ona tatou fa'amanino le uiga o le “amo o le koluse.”

A tatou fa'aulufale mai se tagata e va'aia e lē taūa ma avatu i ai le fa'aeaea ma le fa'aaloalo, ua tatou amoina se koluse. E le faigatā lenā. A tatou fai leleia a tatou galuega ma le leai o se faitio ma le tomumu e ui tatou te lē o manana'o i ai, o le amoina lenā o le koluse. A tatou mafatia tele i se fa'alavelave ma talitonu pea i le agalelei e fa'avavau ale Atua, ua tatou amoina le koluse.

Na tu'ua e Iesu le Tamā i le lagi ma le tinā fa'alalolagi nei mo tatou, ma o tatou o lana koluse. O a tatou koluse o le amoina po o le a lava le mea ua tu'uina mai e lenei olaga ma savalia lenei lalolagi aga'i atu iā te ia. O le koluse o se autū lea i le Fa'akerisiano. Ua fa'aailoga ai le tau o lo'o i ai nei le olaga, le alofa ma le mulimuli atu i le Ali'i.

**Aso 9 Iulai Aso Sa 14 Taimi Masani** – Faitauga muamua – Sakaria 9: 9 – 10. Matua: O le a alu atu lou Tupu iā te oe; e agamalū o ia.

## Faitauga mo le Masina o Iulai – 2023

Salamo 145: 1 – 2 (tali), 8 – 9 (tali), 10 – 11 (tali), 13 – 14 (tali). Tali: Lo’u Atua e, le Tupu, ou te fa’ane’ene’e iā te oe.

Faitauga lona lua – Roma 8: 9, 11 – 13. Matua: Afai e fasiotia e outou amioga a le tino e le Agaga, tou te ola ai.

Aleluia, Aleluia...Ou te fa’afetai iā te oe, lo’u Tamā e, le Ali’i o le lagi ma le lalolagi, ina ua e fa’aalia atu ia mea valevale...Aleluia.

Evagelia – Mataio 11: 25 – 30. Matua: O a’u le agamalū ma le loto maualalo.

### *Tofitofiga o le Upu:*

I vae o le fa’atagata tele o le Fa’atusa o le Sa’olotoga i Amerika o lo’o i ai se tusitusiga ua fa’atomuaina “O le Kolose Fou”. O lo’o tusia ai ni upu pe selau le aofa’i ae e to’atele e manatuaina se fuaiupu e tasi ua fa’apea mai; “Aumai iā te a’u outou o tagata lelavavā, matitiva o outou ua tutū fa’atasi ma le fa’anaunau ina ia mānava sa’oloto...” U’uina o lana molī 305 futu le maualuiga o lenei tama’ta’i o lo’o tautala mai i tagata o le lalolagi e uiga i o tatou filosofia ma faiga lelei.

I le faitauga o le Evagelia o le asō ua umi e pei o le “Koloso Fou,” ma o lo’o i ai se laina tau tutusa mai fofoga o Iesu. “Ia outou o mai iā te a’u, o outou uma o e tigaina ma mafatia i avega, o a’u fo’i e malolō ai outou.”Ua ia aumai se vala’aulia alofa i tagata uma i taimi uma e o mai iā te ia mo ni malologa ma le filemū. Ona o tagata uma i taimi e lagona le vaivai ma le mafatia, e fa’alototeleina le iloaina po o fea e liliu atu i ai mo se to’amaga. O le Ali’i, e pei o le fa’atusa a Liberty, ua fa’asino maia se taulaga o le saogalemū ma avanoa mo latou o lo’o sa’ili se olaga e sili atu.

E ui e tele ni mea e sesē i si o tatou atunu’u, ae o lo’o lelei lava i tatou. E ao ona fa’afetaia e le lalolagi atunu’u ua aumai la latou fesoasaoni mo atunu’u vaivai ma le mativa. O lenei agaalofofa ua lelei ai latou atunu’u i o tatou matafaga ma latou e le’i o mai. Mea’ai, vaila’au ma mealofa so’o se ituaiga ua foa’i fua atu e lo tatou atunu’u nei. Ua tautala mai le Fa’atusa ale Sa’olotoga i le moni. Ae o le lelei o lenei lalolagi e lē mafai ona fa’amalieina ai mana’oga ale loto o le tagata.

O le au matitiva ma le au vaivai o latou ia ua fa’alogoia le lē gaogao mai totonu, ma o latou ia ua folafola atu i ai le Ali’i. O ana fa’amalosi’au. Atonu tatou te manatu o fa’amanuiaga fa’aletino o le a sili atu i lo mea fa’aleagaga, ae o le mea moni lava o ni mealofa e itiiti. O le ‘oa e faigofie ona aumaia le tele o tigā i lo le fiafia. O se mafaufau filemū ma se manatu to’a i le saogalemū o se ‘oa sili atu lea. O ni penefiti ua na o sina taimi o lo’o fausia ai i totonu se fa’anoanoaga i le manatu ua na o ni vaega mo se taimi pupu’u. O le lelei o se mealofa ua fuafuaina lea i lona mafai ona onosa’ia.

O le Ali’i o nu’u uma ua valauina le au lelavavā, le au matitiva, le anoano ua fa’apotopoto, ina ia manumalō i o latou vaivai ma avega mamafa o le olaga i le mauaina o le malosia fa’aleagaga a Lona loto alofa ma le loto agamalū. O ana measina fa’amalosi’au ua folafolaina mai e lē mou atu ma le taimi. O latou ia o le fa’atuatua, fa’amoemoe, loto tele ma le alofa moni ua si’itia ai i tatou i luga ma faia i tatou ia ola e fa’avavau.

**16 Iulai Aso Sa 15 Tausaga Masani** – Faitauga muamua – Isaia 55: 10 – 11. Matua: E totō ifo le ua mai le lagi, ma fua mai ai le lau’ele’ele.

Salamo 65: 9 (tali), 10 (tali), 11 – 12 (tali), 13 (tali). Tali: Ua pa’ū le fua i le ‘ele’ele lelei, ua tupu, ua fua mai.

Faitauga lona lua – Roma 8: 18 – 23. Matua: O lo’o fa’atalitali mea uma na faia i le fa’aalia mai o atali’i o le Atua.

Aleluia, Aleluia...O a’u nei o le malamalama o le lalolagi; o lē mulimuli mai iā te a’u, e iā te ia le malamalama o le ola...Aleluia.

Evagelia – Mataio 13: 1 – 23. Matua: Ua alu atu le tagata lūlū saito e lūlū ai saito.

## Faitauga mo le Masina o Iulai – 2023

### *Tofitofiga o le Upu:*

I le evagelia o le asō o le Tinā Pa'ia le Ekalesia lea ua aumaia mo a tatou fuafuaga le fa'ata'oto o le fatu totō. O se fa'ata'oto e maoa'e lona uiga i tagata Iutaia, ona o fai fa'ato'aga o se tasi o a latou galuega fa'apitoa. A sau timuga ia Novema, e amata ai ona suaina le 'ele'ele ma totō ai fatu. Na ta'ua e Keriso i le fa'ata'oto o nisi o fatu sa pa'u'ū i luga o auala savali. O nei fa'ato'aga masani Iutaia e fa'alalava ai auala e savali ai tagata. O manu lele i Palesitina, aemaise lava le manu lea o le sparrow e mata'utia. E masani e mulimuli ma sauni e 'aia se fatu e pa'ū 'ese mai. O le ituaiga lona lua o 'ele'ele e pa'ū i ai le fatu e tele i papa. E masani fo'i le tele i Palesitina. O le ituaiga o 'ele'ele lona tolu e pa'ū i ai le fatu e tumu i vao matuitui. O nei vao matuitui o ni fa'afitauli tele ia mo tagata fai fa'ato'aga i Palesitina. O a latou palau laiti e le gafatia le tele o pupu vao matuitui ua a'afia ai le fa'atoaga. O fatu e 'pa'u'ū i le vao tuitui, ona fētina'iina ai lea.

O le ituaiga o 'ele'ele mulimuli o lo'o ta'ua o le 'ele'ele lelei. O fatu e pa'ū i ai e ola lelei 'ona fua mai ai lea ta'iselau i nisi ma ta'ionogafulu i nisi ma ta'itolugafulu i nisi.'

Na a'oa'oina e Keriso lenei fa'ata'otoi le au Kalilaia a o nofo o ia i luga o le va'a ma se mamao la'ititi mai le matafaga. Sa le'i fa'amatalaina le uiga ia i latou i lea taimi. Ae ui i lea, ina ua na o ia ma le au so'o, sa latou fesili atu mo le uiga. Na fa'amatalaina e Keriso ia i latou.

O lē na totoina le fatu o le Atua. O le fatu o le fe'au a le Atua ile tagata. O le auala na pa'ū i ai le fatu o le tagata lea ua fa'alogi i le fe'au a le Atua ae lē malamalama ai. O manu, o sui ia o le tiapolo, na gaofi maia fatu mai le faito'aga.

O le fatu ua pa'ū i le va o papa ua fa'ailoa ai le tagata ua fa'alogi i le fe'au ma na muamua talia ma le fiafia. Ae e leai ni ona a'a, na i'u ona mate. A sau ni fa'afitauli, ua alu 'ese atu.

16

O le fatu ua totō i le va o vao matuitui o le tagata ua fa'alogi i le fe'au, ae o le popolega fa'alalolagi nei ma le fa'atosiga a le tupe ua fa'amotusia 'ese ai. O se tagata fa'apenei e leai ni seleselega. O le fatu i le 'ele'ele lelei o le tagata lea ua fa'alogi i le fe'au ma fa'aofi i totonu ma fua mai ni fua o le selau po o le onosefulu po o le fa'atolu sefuluina.

O le aumaia o se lesona amioga lelei mai nei fa'ata'oto, fesili 'oe ia 'oe lava po o le a le ituaiga o 'ele'ele o lo'o fai ma sui e lou loto. E fa'apefea ona e taliaina le fe'au a le Atua? Po o lou loto e ma'a'a e pei o auala e le mafai ona tupu ai le fe'au a le Atua? Po lou loto e pei o le auala ma'ā e magumagu ai le fe'au a le Atua? Pe o le popolevale fa'alalolagi nei ma le tosiga a le tupe ua fetinaina 'ese ai le fe'au ua sau i lou loto, e pei o vaotuitui ma vao matuitui?

O le fe'au a le Atua e mafai ona maua'a ma tuputupu a'e i le 'ele'ele lelei. E tatau ona tatou fa'amautinoaina o tatou loto o le 'ele'ele lelei mo le upu a le Atua. E tatau ona tu'uina atu i ai ina ia maua ni a'a; e tatau ona tatou ave'ese ni popolega fa'alalolagi nei e ave'eseina atu ai lona ola. Ua na o lenei auala ua mafai ai e le fe'au a le Atua ona totō le fatu ma ola ai.

**Aso 23 Iulai Aso Sa 16 Taimi Masani** – Faitauga Muamua – Poto 12: 13, 16 – 19, Matua: Ua e tu'uina i e agasala se tulaga ina ia salamō ai.

Salamo 86: 5 – 6 (tali), 9 – 10 (tali), 15 – 16 (tali). Tali: Le Ali'i e, o oe e lelei, ma e fa'amagalo sala.

Faitauga lona lua – Roma 8: 26 – 27. Matua: O le Agaga e fautua o ia mo i tatou i le oi e lē mafai ona talatalaina.

Aleluia, Aleluia... O a'u mamoe e fa'alogi mai i latou i lo'u leo, ua ou iloa fo'i i latou, ua latou mulimuli mai fo'i iā te a'u... Aleluia.

Evagelia – Mataio 13: 24 – 43. Matua: Tu'u ia, ia tupu lua pea se'ia o'o i le seleselega.

### *Tofitofiga o le Upu:*

O le faitauga pu'upu'u mai iā Sagato Paulo i Roma o se tasi e ao ona fa'apelepele ma ave i ai le



## Faitauga mo le Masina o Iulai – 2023

mata'itū. O le mana'omia ona fai tatalo ma le faigatā i le faia o tatalo o ni vaega e tupu so'o i le olaga fa'aleagaga. O latou ua sa'ili e mulimulita'i i le Ali'i e faigofie lava ona fa'aloto vaivaiina a o latou tomanatunatu i la latou le mafai o se mea ma le loto vaivai i le tatalo. O le elemene taūa o le toe manatuaina a faia se fa'asinomaga i le 'olaga fa'aleagaga' o le mata'itū e lē o le mataupu e pei o le 'ola fa'aleagaga' ua na o se vaega po o se agava'a a le tagata. E fa'atolu i lenei faitauga pu'upu'u na talanoa Paulo i le Agaga, ma fa'amatala manino lelei le Agaga e pei o se sui. O le Agaga lea ua sau iā i tatou i o tatou vaivaiga; o le Agaga fo'i lea ua fa'aalia o tatou talosaga; o le Agaga fo'i lea ua faia a tatou fa'atauanau e tusa ai ma le manatu ale Atua. Ua iloaina lelei lava e le Atua 'mea uma i o tatou loto;' ma e lē fa'apea ai la tatou te saili se gagana po o se faiga ina ia feso'ota'i ai ma se tagata 'ese mai se isi fa'apotopotoga. A o fa'aauau e Paulo i lenei tusi i le vaega o le a tatou fa'alogologo i ai i le vaiaso a sau, ua mae'a ona vala'uina i tatou e le Atua – ma vala'uina ile alofa. O le faigatā i tatalo o le muamua tautevateva a se tasi i le maofa pe amata ona iloaina o se tasi o le alofagia, ma i lenā tulaga, so'o se upu, po'o le a lava lona lē talafeagai o le a talia lava.

Ole evagelia o se fa'aopopoga laua'itele o le fa'ata'oto fa'afa'atoaga mai iā Iesu. O le fa'atusa o faifa'atoaga atonu ua atagia mai ai le poto masani a le au ulua'i fa'alogologo a Iesu, ae o lo'o taūa lava i le asō ona o le fa'atusa ua talafeagai lona malosi, o lo'o tautala mai i mea e ola ma tuputupu a'e – o le atina'e i taimi i luma – o se mea ua a'afia ai tagata ma e mafai ona tali atu i ai – pe afai o i ai ni taliga e fa'alogo ai!

**Aso 30 Iulai Aso Sa 17 Taimi Masani.** – Faitauga Muamua – 1 Tupu 3: 5, 7 – 12. Matua: Ua e fa'atoga mo 'oe le loto poto ma le matala.

Salamo 119: 57, 72 (tali), 76 – 77 (tali), 127 – 128 (tali), 129 – 130 (tali). Tali: Le Ali'i e, ua tele lava lo'u naunau i lau tulafono.

Faitauga lona lua – Roma 8: 28 – 30. Matua: Na ia tofia i tatou anamua, ia foliga i tatou i lona Alo.

Aleluia, Aleluia... O a'u mamoe e fa'alogo mai i latou i lo'u leo, ua ou iloa fo'i i latou, ua latou mulimuli mai fo'i iā te a'u... Aleluia.

Evagelia – Mataio 13: 44 – 52. Matua: Ua fa'atau atu e ia ana mea uma, i le fa'atau a'i mai lea fanua.

### **Tofitofiga o le Upu:**

Ua fa'aauau le evagelia a Mataio i nisi fa'ata'oto mo la tatou tomanatunatuga – ma le tomanatunatuga o le upu ua tatai ai mo lenei fa'atinoga e pei ona fa'amanatu mai iā i tatou e latou sa tu'ufa'atasia le Faitauga i le asu maia iā i tatou le faitauga muamua mai le tusi muamua a Tupu. O le tatalo ta'uta'ua a Solomona mo le poto. O le tupu talavou ua fa'aioaina le leai o se poto masani iā te ia ma le leai o se malamalama'aga i mataupu tetele a le malō, ma na talosaga i le Atua mo le atamai po o le malosi e iloaitino ai – ae lē mo le olaga umi po o le paoa e pei ona fuafuaina. O le poto a Soloma ua fa'aalia e Solomona ua avea ma fa'aailoga ai le nofoa'iga fa'atusi pa'ia a le tupu (se'ia o'o i le i'uga). O le tulaga o le tele o a'oa'oga a Iesu na mommoli atu i fa'ata'oto ma e itiiti lava le tulaga tau i tulafono ma fa'atonuga ua fa'aailoa mai ai le tele o le atamai e tatai ona avea ma fa'aailoga a ana so'o; ma o le poto ua a'oa'oina fa'atualoto – e pei o se lagona i nisi o taimi ua avatu – ae o sē e manatunatu i ai – e pei ona iloaina e Solomona – i tatalo.

O le fa'atusa ole 'matai a le aiga ua aumai mea fou ma mea tuai, o se mata'iga ma o se fa'amalosi'au fo'i. E masani i tagata e tete'e i suiga ona ua na o le fa'a'e'eina o se mea e fou i se tulaga o le a va'aia ai e galue lelei atoatoa. A va'ava'ai i tusitusiga a le Fonotaga a le Vatikano Lua, sa amataina ni suiga talu ai nei, e taūa ona manatuaina le tele o le galuega sa faia i le toe mauaina mai o faiga fa'aanamua a le Ekalesia, o tusitusiga a Tamā a le Ekalesia ma le 'oa o Tu Masani sa ta'oto e le'i asiasia i 'potu e teu' ai mo le tele o selau tausaga. I se manatu o le Ekalesia o se fa'apotopotoga o le au fa'atuatua, o le va'aiga i totonu ma le malamalama i le au fa'atuatua uma e masani o se vaega a le tofi ale fa'apotopo-



## Fa'asologa o Misasa mo – Iulai 2023

toga atoa ma o lo'o avanoa e fa'afailele ai le olaga ale fa'apopotoga i taimi uma: o le manatu a Tertullian, Aquinas ma Pope Faranisisi o lo'o avanoa uma i le fa'apopotoga ale fa'atuatua, ma o latou uma e mafai ona fa'ailoaina o penina e telē lona tau.

### Faitauga mo le Aso Sa Muamua aso 6 o Aukuso – 2023.

#### LLIUESEINA O LE ALII

Faitauga Muamua – Tanielu 7: 9 – 10, 13 – 14. Matua: Ua sinasina lona ofu e pei o le kiona.

Salamo: 97: 1 – 2 (tali), 5 – 6 (tali), 9 (tali). Tali: Ua fai le Ali'i ma tupu, e sili lava ia i le lalolagi uma.

Faitauga lona lua – 2 Peteru 1: 16 – 19. Matua: O le si'ufofoga lea na matou fa'alogologo ai, na tulei mai mai le lagi.

Aleluia, Aleluia...O lo'u Atali'i pele lenā, ou te fiafia iā te ia; ia outou fa'alogologo iā te ia... Aleluia.

Aso Sa muamua			
2 Iulai 2023	11.00am	Seatoun	Patele Maleko
	11.00am	Titahi Bay	Patele Denis
	11.00am	Porirua	Patele Andrew
Aso Sa Lua			
9 Iulai 2023	12.00am	Te Awakairangi – Lower Hutt	Patele Maleko
Aso Sa Tolu			
16 Iulai 2023	11.00am.	Newtown	Patele Andrew
	11.00am	Holy Family	Patele Maleko
Aso Sa Fa			
23 Iulai 2023	11.00am	Te Wairua Tapu – Wainui (Petone)	Patele Andrew
	11.30am	Stokes Valley	Patele Maleko

18



Mikaele Teofilo:



m.teofilo@wn.catholic.org.nz



+64 4 496 1707



021 0818 5037



PO Box 1937, Wellington 6140, New Zealand